

Tennis

GERRY GIEL Y EVERT BONGERS A HAYA MEDIAL DI SCHOOL DI UMPIRE INTERNACIONAL DI TENNIS



E dos medayista a hasi un paso masha grandi y cu den futuro nan ta determina pa sigui e Nivel-1 cu ta pa Lines-

men y e Chair Umpire pa asina por participa den e torneonan grandi.

ORANJESTAD(AAN): Recientemente Gerry Giel y Evert Bongers a yega Aruba despues cu nan a worde eligi pa International Tennis Federation (ITF) na London pa atende e curso di nivel 2 di ITF na El Salvador.

Aki un total di 17 umpire aspirant a participa, despues di 2 dia di coach intensivo prome cu nan mester a demostra nan experiencia riba e

stoel durante e ronda di cualificacion pa e torneo di Centro Americano pa hende hombernan.

E final di e examen a tuma lugar diadomingo ultimo unda Gerry a haya pa su practica di e parti di e curso a haya e punto mas halto y Evert tambe a score e punto halto pa teoria, for di e 17 participante cu mayoria tabata di Centro Americano unda cuater so a

haya e "White Badge" un a bay pa Jean-Jamil Rojer di Curacao, Jaime Chevez di Mexico como tambe e dos Arubiano orguyoso Gerry Giel y Evert Bongers.

President di Aruba Lawn Tennis bond Ling Wong ta contento cu e dos Arubiano cu a participa y cu gran logranan a trece Aruba dos medaya cu ta worde yama "White Badge".